



## Վահան Տերյան

14 տող (Մանկուց ընտրեցի ճամփորդական ցուպ...)

Մանկուց ընտրեցի ճամփորդական ցուպ,  
Թողի հայրենի տնակըս ավեր,  
Ահա ես հիմա մի մոլոր ասուպ,  
Ես կույր եմ հիմա, մռայլ ու անսեր:  
Պայծառ ըղձերը ինձ գուր մաշեցին,  
Չըողջունեց ինձ ոչ մի արշալույս,  
Ինձ լուռ մոռացան, ինձ չըհիշեցին,  
Իմ սրտում մեռան սեր, ցնորք ու հույս:  
Ես կույր եմ հիմա, անբախտ ու մեռակ  
Հավերժում կորած մի մոլոր ասուպ.  
Սահում Է կյանքը հյուսելով ժանյակ,  
Անցնում եմ վիհեր, լեռներ երկնահույ,  
Ինձ համար չըկա ժամ ու ժամանակ,  
Ես մի մոլորված, մի տխուր ասուպ...

1907